



■周小姐與团团玩足一日，盡興而歸。

假期到深圳除了飲飲食食，亦有不少港客一家大細北上夾公仔。本報記者今次到訪位於筲崗商場萬象食家的夾公仔店「不二國度」，當日碰巧有港媽攜同兒子「探店」，夾得一大車戰利品換禮物，再在商場大擦一餐才結束一日行程，食買玩一Take過無難度！
採、攝：龍獅



■不二國度店面闊落，零壓迫感。

不二國度 深圳夾公仔天堂

近年夾公仔風靡很多學生及小朋友，已成不少年輕一代的熱門消閒活動，齊齊在網上鑽研夾公仔技巧。眾所周知，大家在香港的夾公仔店夾公仔有一定難度，出盡九牛二虎之力也未必有收穫。不過，自從捲起北上消費風潮，很多家長每逢周末、周日也到深圳勁玩，當然會滿足子女到夾公仔店「過手癮」的願望，享受夾公仔樂趣。

港深家長齊齊玩餐飽

位於萬象食家3樓的不二國度在2022年開業，裝修以橙色為主，店家的通道寬闊好行，公仔除了有近期大熱的奶龍，亦有史迪仔、蠟筆小新、多啦A夢等不同動漫人物，夾中一個公仔即得1分，讓大家夾公仔後儲積分，大大隻史迪仔亦僅需39分即可換走。客人以美團掃碼購買，¥139已可買到208個代幣，不少夾公仔機都是2至3個代幣可玩一局，難度普遍比香港的夾公仔機低，有網民指花費約¥100已可夾中6、7隻公仔，難怪除了港客，亦吸引不少深圳家長攜子女玩餐飽。

抓娃娃狂迷怒花¥900

早前本報記者在閒日傍晚到店亦見不少家庭客，港客周小姐與14歲团团前來，她透露二人家住九龍區，坐地鐵經福田口岸到筲崗。周小姐稱：「我哋第一次嚟，都係睇網上介紹，玩完覺得好好玩，相比香港啲夾公仔店呢度經濟好多，今次使咗¥200多啲。」母子二人在不二國度夾中十多個公仔，最終以積分換了便攜式水壺回港。周小姐續稱：「今次即日來回食完晚飯返港，咁咁暑假過嚟玩，之後有假期都會嚟，呢個商場交通方便又有配套，唔錯。」另外，店員李小姐透露，港客主要以家庭及情侶為主，亦有幾個女仔閨蜜前來，店家定時會更換夾公仔機的公仔款式，當中以家庭客消費較「鬆手」。她並稱：「客人多數都消費約¥200，過往都有客人最高消費約¥900。」她又稱，周六、周日最多港客，每日至少也有數百人。

■巨型史迪仔只需39分即可換走，性價比極高。

中西合璧 Chill正龜苓膏咖啡

玩完當然要嘆杯凍飲降降溫，飲咖啡食龜苓膏二合一你又諗唔諗到？位於萬象食家地下的深圳本地咖啡店labaker近期推出新品「龜苓膏生椰拿鐵」(Latte)，打卡、解暑、降火，一次過滿足3個願望。龜苓膏生椰拿鐵將龜苓膏及咖啡融合，客人可感受拿鐵入口的順滑，另有龜苓膏回味的草本清甜，既能提神醒腦又降火，適合在酷熱天氣下Chill住嘆。店家另一主打是麵包類的「潮汕墨斗丸芝士恰巴塔」，以無糖低油麵團製造，進口西班牙墨魚汁結合潮汕本地墨丸，中西結合配灰色包面，充滿特色。據知labaker在深圳有5間店，港客主要點美式咖啡及拿鐵，小食就以潮汕墨斗丸恰巴塔及各種口味燕麥撻為主，龜苓膏咖啡亦是不少港客打卡之選。



龜苓膏生椰拿鐵

¥27



潮汕墨斗丸芝士恰巴塔 ¥18



■店家門口正中央放置的星際熊打卡一流。



■大量奶龍公仔等大家夾返屋企。